



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-518-6/21**
Datum: **09.12.2021. godine**

„Agencija za vodno područje rijeke Save“ Sarajevo rješavajući po zahtjevu pravnog lica „EMKA BOSNIA“ d.o.o. Goražde za donošenje rješenja o vodnoj dozvoli za ispuštanje tehnoloških otpadnih voda sa lokacije kompleksa za proizvodnju dijelova za brave i proizvodnja okova od plastike u Vitkovićima, Goražde, na osnovu člana 139. stav (1) tačka 3. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98 i 48/99), donosi:

R J E Š E N J E **o vodnoj dozvoli**

1. Pravnom licu „EMKA BOSNIA“ d.o.o. Goražde daje se vodna dozvola za ispuštanje tehnoloških otpadnih voda sa lokacije kompleksa za proizvodnju dijelova za brave i proizvodnja okova od plastike u Vitkovićima, Goražde na zemljištu označenom kao k.č. broj: 3900/3, 3900/5, 3900/8, 3900/29, 3900/43, 3900/1, 3900/4, 3900/7, 3900/9, 3900/10, 3900/11, 3900/26, 3900/44, 3900/52, 3900/53, 3900/54, 3900/55, 3900/56, 3898/2, 3899, 3900/30 K.O. Goražde.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, dinamičkog plana, izvršenog uviđaja na lokaciji objekta i pod slijedećim uslovima:
 - 3.1. Da pravno lice, „EMKA BOSNIA“ d.o.o. Goražde obezbijedi da se sistem za prikupljanje, prečišćavanje i ispuštanje otpadnih voda sa lokacije kompleksa za proizvodnju dijelova za brave i proizvodnja okova od plastike u Vitkovićima, Goražde održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. Da se u periodu od januara do maja 2022 godine, u skladu sa dostavljenim dinamičkim planom, kompletira tehnička dokumentacija na nivou Glavnog/Izvedbenog rješenja prikupljanja, odvodnje i tretmana otpadnih voda.
 - 3.3. Realizaciju radova izvršiti prema projektnoj dokumentaciji iz tačke 3.2., a koja se odnosi na sistem za prikupljanje tehnoloških otpadnih voda iz procesa ispiranja metalnih dijelova, prečišćavanje istih i ispuštanje prečišćenih voda u definisani recipijent sa početkom izvođenja radova 01.06.2022. i konačnim završetkom radova 30.10.2022. godine a u skladu sa rokovima iz dinamičkog plana.
 - 3.4. U toku izvođenja svih radova na predmetnoj lokaciji osigurati nadzor nad izvođenjem istih.
 - 3.5. Ukoliko dođe do promjene na terenu u toku izvođenja radova a u odnosu na projektnu dokumentaciju, nakon izvedenih radova izraditi Projekat izvedenog stanja sistema prikupljanja, tretmana i ispuštanja otpadnih voda iz navedenog procesa u predviđenom roku od 01.11.2022. do 30.12.2022. godine.
 - 3.6. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa prilogom 28. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20 i 96/20).
 - 3.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

- 3.8. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije „EMKA BOSNIA“ d.o.o. Goražde može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.9. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.10. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.11. Osigurati priručna sredstva za brzu intervenciju u slučaju nekontrolisanog rasipanja opasnog otpada i isticanja naftnih derivata, kako bi se spriječilo moguće onečišćenje voda i tla.
- 3.12. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, u skladu sa članom 26. stav (1) Uredbe o uslovima ispuštanja otpadnih voda u okoliš i sisteme javne kanalizacije sa rokom važenja do 19.12.2023. godine uz uslov da se aktivnosti obuhvaćene tačkom 3. dispozitiva rješenja u cjelosti poštuje.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „EMKA BOSNIA“ d.o.o. Goražde obratilo se ovoj Agenciji sa zahtjevom od 22.10.2021 godine, za donošenje rješenja o vodnoj dozvoli za ispuštanje tehnoloških otpadnih voda sa lokacije kompleksa za proizvodnju dijelova za brave i proizvodnja okova od plastike u Vitkovićima, Goražde na zemljištu označenom kao k.č. broj: 3900/3, 3900/5, 3900/8, 3900/29, 3900/43, 3900/1, 3900/4, 3900/7, 3900/9, 3900/10, 3900/11, 3900/26, 3900/44, 3900/52, 3900/53, 3900/54, 3900/55, 3900/56, 3898/2, 3899, 3900/30 K.O. Goražde.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

A. Opšta dokumentacija

- Aktuelni izvod iz sudskog registra matični broj subjekta 1-44 od 28.09.2021. godine izdat od strane Općinskog suda u Goraždu-ovjerena kopija,
- Ovjerena kopija Uvjerenja o poreskoj registraciji od 17.08.2015. godine, izdatog od strane Porezna uprava-Kantonalni ured Goražde,
- Uvjerenje o registraciji broj 04/1-17-1-UPJR/1-5323/15 od 21.09.2015.godine, Uprava za indirektno oporezivanje Banja Luka,
- Rješenje o vodnoj dozvoli broj: UP-I/25-3-40-459-4/16 od 05.09.2016 godine izdato od strane «Agencije za vodno područje rijeke Save» Sarajevo,
- Rješenje o vodnoj saglasnosti broj: UP-I/25-3-40-356-2/16 od 16.06.2016 godine izdato od strane «Agencije za vodno područje rijeke Save» Sarajevo,
- Rješenje o vodnoj dozvoli broj: UP-1/04-25-539/16 od 07.10.2016 godine izdato od strane Ministarstva za privredu Bosansko-podrinjskog kantona,
- Dokaz o uplaćenju upravnoj pristojbi i administrativnoj taksi,
- Kopija Rješenja o odobrenju za građenje objekta HALA PREŠERAJ, 04-1-23-2-1926/15 od 17.09.2015 godine datog od strane Službe za prostorno uređenje, stambeno-komunalne poslove i raseljena lica;
- Kopija Rješenja o odobrenju za građenje objekta HALA SKLADIŠTA, 04-1-23-2-656/15 od 25.03.2015 godine datog od strane Službe za prostorno uređenje, stambeno-komunalne poslove i raseljena lica
- Kopija Rješenja o odobrenju za građenje objekta hale za farbanje komada, dorade i garderobe, 04-1-23-2-2488/13 od 18.12.2013 godine datog od strane Službe za prostorno uređenje, stambeno-komunalne poslove i raseljena lica;
- Kopija Rješenja o odobrenju za građenje objekta HALA ZAMAK, broj: 04-1-23-2-1299/13 od 24.06.2013 godine datog od strane Službe za prostorno uređenje, stambeno-komunalne poslove i raseljena lica;
- Kopija Rješenja o odobrenju za građenje objekta HALA MONTAŽE, 04-1-23-2-1545/15 od 14.08.2015 godine datog od strane Službe za prostorno uređenje, stambeno-komunalne poslove i raseljena lica;
- Kopija Rješenja o odobrenju za građenje proizvodnog objekta za proizvodnju plastike, 04-1-23-2-1874/14 od 31.07.2014 godine datog od strane Službe za prostorno uređenje, stambeno-komunalne poslove i raseljena lica;
- Izvještaj o monitoringu kvaliteta i kvantiteta tehnoloških otpadnih voda „EMKA“ d.o.o. Goražde, broj 1517/21 od 18.10.2021 godine, urađen od strane „Inspekt-RGH“ d.o.o. Sarajevo.
- Opći akt o održavanju, korištenju i osmatranju vodnog objekta i postupanja u slučaju kvaraili havarije za objekat „EMKA BOSNIA“ d.o.o. Goražde

B. Tehnička dokumentacija

- Projekat izvedenog stanja ispuštanja i tretmana otpadnih voda za potrebe ishodovanja vodne dozvole za kompleks „Vitkovići“ – „EMKA BOSNIA“ d.o.o. Goražde, urađen od strane pravnog lica „HYDRO CONTROL“ d.o.o. Sarajevo, oktobar 2021. godine .
- Program održavanja i kontrole uređaja za tretman otpadnih voda.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), ovaj organ je pokrenuo upravni postupak, te je dana 11.11.2021. godine izvršen pregled predmetne lokacije poslovnog objekta za skladištenje i primarnu preradu sekundarnih sirovina o čemu je sačinjen Zapisnik o uviđaju broj: UP-1/21-3-40-518-2/21.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je slijedeće:

Lokacija poslovnog objekta se nazi u industrijskoj zoni Vitkovići, Goražde.

Snabdijevanje vodom predmetnog poslovnog objekta se vrši putem priključka na gradsku vodovodnu mrežu.

Na predmetnoj lokaciji se nalazi upravni dio, zamak-linija za brizganje cinka, linija za pranje komada, lager alata, lager materijala, dorada, farbaona, magacin, proizvodnja prozora, održavanje, prešeraj, trafostanica, komprsorska stanica, kontrola kvaliteta, montaža, magacin plastike i drugi prateći objekti.

Osnovna djelatnost firme je proizvodnja dijelova za brave i proizvodnja okova od plastike.

Sirovina za proizvodnju dijelova za brave i okova je legura cinka u obliku poluga koje se tope na liniji za brizganje zamka na temperaturi 450° C a potom brizga u alat gdje se dobija konačan oblik. Poluproizvod odlazi u bubanj na pranje koje se vrši sa industrijskim deterdžentima i agregatom kamena koji služi za poliranje. Nakon pranje vrši se sušenje, a potom farbanje u potpuno automatskoj liniji za elektonsko nanošenje praha i to redoslijedom pranje, farbanje i pečenje. Proces farbanja je potpuno zatvoren, te se višak elektrostatskog praha ponovo vraća u proces. Čišćenje alata koji se koristio pri farbanju se vrši sagorijevanjem u peći a potom postupkom pjeskarenja koji je takođe potpuno zatvoren. Kapacitet linije zamka je 750 t/godinu.

Sirovina na liniji za brizganje plastike su granulati PVC-a koji se zagrijevaju na 350 C i brizgaju u zadate oblike. Višak plastike kod dorade i nestandardni proizvodi se melju. Kapacitet linije za brizganje je 100 t/godinu.

Na odjeljenju plastike postoji proces šaumiranja (nalijevanja dvokoponentne diht mase) koja se odvija na mašini kapaciteta 200 kg diht mase godišnje.

Tehnološke vode u sklopu fabrike se koristi za proces ispiranja metalnih dijelova i hlađenja sistema. Prilikom procesa ispiranja i čišćenja metalnih dijelova nastaju manje količine otpadne vode koje se skupljaju u malom taložnom spremniku smještenom na dnu svake jedinice. Voda koja se koristi u procesima hlađenja sistema je u zatvorenom sistemu.

Sadržaj iz kada u kojima se vrši primrema elemenata za farbanje su bez preliva i iste se nakon zasićenja prazne i zbrinjavaju u spremnike od ovlaštene kuće.

Kod regeneracije jedinice za proizvodnje deminizirane vode koristi se otopina NaCl a otpadna voda se ispušta u spremnike sa prelivom.

Tehnološke otpadne vode se prikupljaju zajedničkim kolektorom tehnološke otpadne vode koji vodi u spremnik za tehnološku vodu zapremine 10 000 l. U spremniku dolazi do izjednačavanja otpadnih voda. Kada se spremnik napuni do odgovarajućeg nivoa pomoću pumpe vrši se ispuštanje otpadne vode u rijeku Drinu.

U okviru objekta „EMKA BOSNIA“ d.o.o. Goražde ugrađeno je 5 separatora od kojih 3 separatora tretiraju oborinske vode sa manipulativnih površina, a potom ispuštaju u rijeku Drinu.

Iz izvještaja o monitoringu kvaliteta i kvantiteta tehnoloških otpadnih voda „EMKA“ d.o.o. Goražde, broj 1517/21 od 18.10.2021. godine, urađen od strane „Inspekt-RGH“ d.o.o. Sarajevo, utvrđeno je da rezultati ispitivanja uzorka za vrijednosti parametara HPK i cinka prelaze granične vrijednosti definisane u prilogu 28. Uredbe o uslovima ispuštanja otpadnih voda u okoliš i sisteme javne kanalizacije.

Uz zahtjev za izdavanje vodne dozvole dostavljen Dinamički plan u skladu sa Uredbom u kome je dat spisak konkretnih aktivnosti i mjera sa finansijskom procjenom za ulaganje i smanjenje emisija otpadnih voda, te rokove u kojima će pravni subjekt realizirati pojedine aktivnosti.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, „EMKA BOSNIA“ d.o.o. Goražde ispunio minimum uslova za izdavanje vodne dozvole za ispuštanje oborinskih onečišćenih voda te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „EMKA BOSNIA“ d.o.o. Goražde, 1. Drinske brigade bb, Goražde (Prilog-tehnička dokumentacija pod tačkom B obrazloženja Rješenja)
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava